


補 增

古方藥品考

二

中武  
64  
2



武  
64  
卷之

問氏  
香庭

同

藥品考卷之二目次

葶藶 一

麻子 二

薏苡 三

酸棗 四

大棗 六

烏梅 七

蜀椒 八  
川椒 同上

椒目 九

茯苓 十

黃耆 十一

桃仁 十三

杏仁 十四

吳茱萸 十五

山茱萸 十七

薯蕷 十八

甘遂 十九

生業  
印

藥品考卷之二目次

大戟 二十

茵陳 二十二

葦莖 二十三

蘆根 二十四

貝母 二十五

芎藭 二十六

當歸 二十八

牡丹皮 二十九

苦參 三十一

獨活 三十二

知母 三十三

生地黄 三十五  
生地黄汁 同

乾地黄 三十六  
熟地黄 三十七

瓜蒂 三十七

山梔子 三十九

紫葳 四十

澤瀉 四十一

古方藥品考卷之二

平安

內藤尚賢剛甫 著

東都

生島泰良伯義 校

葶藶主治喘滿短氣。イヌナヅナ。

本經曰葶藶味辛苦寒。主癥瘕積聚結氣。破堅逐邪。

通利水道。案其味辛苦。故能治痰喘。欬逆水氣。

牡蠣澤瀉散。大病差後。從腰以下有水氣者。

葶藶大棗瀉肺湯。肺癰胸滿脹。一身面目浮腫。鼻塞。

清涕出。不聞香臭。酸辛。欬逆上氣。喘鳴迫塞。

撰品葶藶有甜苦二種。衍義曰經既言味辛苦即甜者不復更入藥也。大槩治體皆以行水走泄為用。蓋取苦泄之義也。而苦葶藶自往昔絕。舶來邦產無之。今藥舖稱甜葶藶者粒極細黃赤色。味淡甘。此薺子或薺莫子也。又稱苦葶藶者粒似薺藎子不圓。味微苦。此救荒過藍子也。並非真余以白芥子代用之。最有效。又甜葶藶苗有大小二種。未出藥舖。

○甜葶藶自冬生。苗葉似薺而小有微毛。至夏抽莖三五寸。發小黃花。漸次結綠莢。扁如胡瓜子。形其子

極細如海金沙。



葶藶考

麻子益脾潤通便秘。一名大麻。

本經曰麻子味甘平。主補中益氣。陳士良曰主肺臟潤五臟。利大小便。案其子晚秋成熟。多脂。味淡甘。性

潤滑故有益脾胃潤腸中滑通便秘之能

麻子仁丸跌陽脈浮而瀉浮則胃氣強澀則小便秘

浮澀相搏大便則難其脾為約

炙甘草湯治虛勞不足汗出而悶脈結悸行動如常

撰品麻子邦產唯一種無異品


修治宗奭曰麻子極難去殼取帛包置沸湯中浸至

冷出之垂井中一夜勿令著水次日日中曝乾就新

瓦上按去殼簸揚取仁粒粒皆完

○麻莖直上五六尺葉似五加葉而狹至秋其雌麻

生小房結子晚秋熟其雄麻發花而不結子



景映

薏苡扶脾除祛溼痺。クウムキ。

本經曰薏苡仁味甘微寒主筋急拘攣不可屈伸風溼痺下氣案其性好生溼地晚秋結子味淡甘滑降故能扶脾胃瀉水氣除溼痺宗奭曰此藥力勢緩薄凡用須加倍他藥即見效

麻黃杏仁薏苡甘草湯病者一身盡疼發熱日晡所劇者名風溼此病傷於汗出當風或久取冷所致也薏苡附子散胸痺緩急者仲景氏曰與杏仁麻黃治風溼燥痛日晡劇者與附子治周痺偏緩急者

撰品薏苡子形如川穀而殼薄易脫者真其仁似麥粒而扁大藥舖去其褐衣者稱白樣為上品又不去褐衣者稱赤樣或呼麥樣俱可用出城州和州等又川穀形似薏苡而扁其殼堅仁亦相似易混或指川穀為薏苡者非又籐珠形類川穀而圓大有縱皺俗貫以為念珠雷斨所言穢米是也

○薏苡春生苗莖高三四尺葉長狹如川穀狀夏開黃白花作穗至秋結綠實熟者淡褐色亦似川穀而殼甚薄易脫

在照寫



酸棗補疲。能療不寐。一名山棗。サ子ブト。ヤマナツメ。

本經曰酸棗味酸平。主心腹寒熱邪結氣聚。四肢酸

疼溼痺。別錄曰心煩不得眠。臍上下痛。血轉久洩。虛

汗煩渴。補中益肝氣。堅筋骨。助陰氣。案其肉味酸收。

其仁味淡甘。質滋潤。故能補虛疲。滋煩渴。以治不寐。

聖惠方曰膽虛不眠寒也。炒香為末。云

酸棗仁湯。虛勞虛煩。不得眠。云

撰品酸棗仁。舶來唯一種。形如大棗仁。而扁圓者真。

又稱和酸棗者。是大棗仁。而其氣味形狀甚相近。若

乏則可用。又有傳栽漢種者。未出藥鋪。

○酸棗樹高二三丈。枝葉頗如大棗。而其實圓帶酸。其核亦似棗核而圓。

光景



大棗保胃。溫和駿劑。○ナツメ。

本經曰大棗味甘平。主心腹邪氣。安中養脾。平胃氣。通九竅。補少氣。少津液。身中不足。大驚。四肢重。和百藥。案其味甜。溫滋潤。故專保養脾胃。調和駿藥。

黃芩湯。太陽與少陽合病。自下利者。十棗湯。太陽中風。下利嘔逆。云云。葶藶大棗瀉肺湯。肺癰喘不得卧。

案此三方用大棗。以保養胃氣。止利。且令耐駿劑也。撰品大棗。邦產有二品。其形橢圓者。呼末留樣。又形少長。核大者。呼奈雅樣。下品。商人取仁者。出城州和州。



攝州等凡紫赤色形圓肥大味甜滋潤可食者佳今  
唯貴正赤者是故土人採其半熟者製之其色極赤  
肉燥不潰此潤少味不甜者不堪用此物宜家製其  
生時形圓肥豐核小味甘美者取之先日曝而令赤  
灌沸湯復曝乾收用又間舶來有之形長兩頭尖皮  
赤細皺滋味薄者下品

○大棗木高二三丈至夏生芽故俗呼葉似烏藥而  
薄有光澤五月發小綠花結圓實晚秋熟水綠色生  
赤斑大者寸許



七十三  
葷州


烏梅順降止嘔却虻フスベウメ

本經曰烏梅味酸溫平主下氣除熱煩滿安心止肢體痛偏枯不仁案梅花發於立春實熟於三春全得春木之精味酸收順降故善止嘔吐逆氣退蛇蟲去核剉用復啖烏梅及白梅則能解注舟嘔逆

烏梅丸蛇厥者當吐蛇令病者靜而復時煩此為臟寒蛇上入膈故煩須臾復止得食而嘔又煩者蛇聞食臭出其人當自吐蛇蛇厥者此方實療反胃膈噎之良方也

撰品烏梅無異品但深黑色味極酸者佳或有塗煤令黑者不堪用又白梅功能畧同乏則代用之亦可

綱目曰取青梅盛籃於甕上熏黑若以稻灰淋汁潤溫蒸過則肥澤不蠹



連山客位 圖四

蜀椒溫中克征虵蟲一名川椒

本經曰蜀椒味辛溫主邪氣欬逆溫中逐骨節皮膚

死肌寒溼痺痛下氣別錄曰大熱有毒除寒溼溫瘧

心腹留飲宿食殺蟲魚毒案其實熟於晚秋極陽之月其

殼及樹皮借味辛辣而其核及中木淡薄無更辛味

是精氣皆在於外乃純陽之質味辛熱芳烈有外發

之力故有散寒淫溫胃中克征虵蟲之能以療大寒

痛食穀不和等○用時炒去毒

大建中湯心胸中大寒痛嘔不能飲食腹中寒上衝

皮起出見有頭足上下痛而不可觸近

椒目下降利水腸中○サンセウノ種

已椒薑黃丸腹滿口舌乾燥此腸間有水氣

撰品蜀椒生支那蜀川者為勝故曰蜀椒又曰川椒

今稱淺倉山椒者與此同出但州淺倉故名丹州亦

有之其粒與秦椒同而粗凡裏面白氣味辛香者良

或隔年氣味脫者不堪用其核名椒目又秦椒氣味

功用甚相近若乏則代用亦可又有竹葉椒崖椒此

二種不入藥用

○蜀椒高五七尺。其枝葉花實都如秦椒。而微刺。其實大倍秦椒。秋熟紫赤色。



梁成圖

茯苓生津。又瀉逆滿。今通名。

本經曰茯苓味甘平無毒。主胸脇逆氣。恐悸。心下結痛。寒熱煩滿。欬逆。口焦舌乾。利小便。別錄曰止消渴。胸中痰水。水腫淋結。案松樹四時不凋。長生不枯者。其精液凝結于土中。化成茯苓。氣味淡甘。質潤降。故能生津液。止消渴。又能瀉痰飲宿水。嘔逆煩滿等。苓桂朮甘湯。心下逆滿。氣上衝胸。起則頭眩。云○心下有痰飲。胸脇支滿。目眩。茯苓飲。治心胸中有停痰宿水。自吐出水。云

撰品茯苓。邦產為佳。諸州山谷皆有之。其大者至一二斤。皮黑色。土人刮去皮。自有淡赤白色。二品。或片之。或方判之。凡色白充實者為上品。其赤黯色虛軟者。下品。本經無赤白之分。陶弘景以來分赤白。謂赤入血分。白入氣分。是牽合為配耳。余謹試之。赤白相同。無異。其功專在生津瀉水。滿矣。

○茯苓。山中古松。為人斬伐。其精氣下降。凝結根旁。久而作大塊。其形如蒟蒻。而皮黑肉白。或帶淡赤。又抱根結者。謂之茯神。

黃耆益元固實衛分。

今通名者。莖同。

本經曰。黃芪味甘微溫。主癰疽久敗瘡。排膿止痛。補

虛。小兒百病。陳嘉謨曰。蔓芪甘溫。俱能補益。但人蔓

惟補元氣。調中。黃芪兼補衛氣。實表所補。畧異。云

案其為根。直降入土極深。氣味甘溫。芳達。故專補虛

益元氣。而固實衛分。與桂枝發表同用。則能表達。以

治黃汗。自汗盜汗。

桂枝加黃耆湯。黃汗之病。兩脛自冷。假令發熱。此屬

歷節。食已汗出。又身常暮盜汗出者。此勞氣也。云

黃者建中湯虛勞裏急諸不足。

撰品黃者。舶來有二三種。其形長肥大而柔韌。皮黃褐色。肉淡黃。味甘氣香者為上品。所謂綿黃者是也。藥舖呼為本樣。其截長五七寸者呼幾利古美。其老根枯飄者呼平樣。俱可用。又稱堅樣者。形似綿黃。而皮粗不柔韌。味淡甘者下品。又有朝鮮黃。形似苦參而柔韌。長尺五七寸。皮茶褐色。味淡苦者為次。又有大和黃。形如朝鮮黃。柔韌皮紫赤色。肉黃白。味淡甘。藥舖此呼皮付。或偽為朝鮮黃。出和州。

宇陀。此綿黃之種也。而與舶上者不同。又有白山黃。形似大和黃。而不長。刮去粗皮。作白者。出加州。信州等。又生城北者。亦木黃也。俱不堪入藥。

○舶來綿黃者



○黃芪春生。苗莖高二尺許。葉似甘草。有毛茸。五六月開。淡黃花。似小豆花。而小花後結莢子。或有紫紅花者。其根入土二三尺。秋冬取根。



重就

桃仁血分潤通大便。モ、ノ夕子。

本經曰桃核仁。味苦甘平。主瘀血血閉癥瘕邪氣。

元素曰治血結血秘血燥潤通大便破畜血。云

案其仁多脂質滑澤味苦甘專主血分其能潤腸中。

通大便以治畜血經水不利大便秘結等。

桃核承氣湯太陽病不解熱結膀胱其人如狂血自。


下下者愈。云 ○但小腹急結乃可攻之。

下瘀血湯產婦腹痛法當以枳實芍藥散假令不愈。

者此為腹中有乾血著臍下。○亦主經水不利。

撰品桃核。此毛桃為佳。其核多脂。又尋常者亦可用。仁形橢圓而首尖。肥大色白者是其欲去褐衣者。以熱湯泡之。而少曝。乃易脫。褐衣。又白桃花。味苦。降。能除水氣。瀉二便。出信州若州城州。諸州亦有之。又有麥桃。晚桃。油桃。銀桃。其他種類甚多。今畧之。

○桃樹高丈餘。葉長而狹。晚春開水紅花。單瓣者多。結實形似杏實。微長。有白茸。熟綠白帶赤色。味甘美。其核圓長。兩頭尖。皮堅。作粗縮。又花有純白深紅紅白間色。有重瓣單瓣數品。



桃苑補

杏仁氣分降逆止喘。アンズノタ子。




本經曰杏核仁味甘溫主欬逆上氣雷鳴喉痺下氣  
案其仁多脂質滑降味甘微苦專主氣分其能下欬  
逆除痰喘以利胸膈而潤腸間

麻杏甘石湯發汗後不可更行桂枝湯汗出而喘無  
大熱者麻黃湯太陽與陽明合病喘而胸滿者

撰品杏仁唯一種形首尖尾圓扁大色白者真藥舖  
到售者或有混桃仁梅仁者梅仁形比杏仁狹長當  
擇去之又去褐衣法與桃仁同

○杏樹似梅高一二丈葉亦似梅而圓大鋸齒粗二



海僊

月開淡紅花後結實亦類梅而肥大其核扁有細縮

吳茱萸良溫。除溼散寒。今通名。カブテコブラ。

本經曰：吳茱萸味辛溫，主溫中下氣，止痛，欬逆寒熱，除溼血痺，逐風邪，開腠理。別錄曰：去痰，冷腹內絞痛，諸冷實不消，中惡心腹痛。案其味辛苦，溫熱而順降，故能溫腸胃，除水溼，散寒淫，用療心腹冷痛、寒疝等。當歸四逆加吳茱萸生薑湯若其人內有久寒者，溫經湯主。婦人少腹寒，久不受胎，兼治崩中去血，或月水來過多，及至期不來。

吳茱萸湯嘔而胸滿者。○少陰病吐利，手足厥冷，煩

躁欲死者。一婦人歲四十餘，患痢疾，且數十行，腹痛嘔逆，而絕飲食，煩躁將死，數方不驗，遂

與吳茱萸湯，不可復故。

撰品：吳茱萸舶來者其粒小，黑色，味苦辛者為上品。間有混入蠶沙以欺我者，當擇去之。又古人建六陳之目，故後人單貴陳舊者，而其辛味脫失者，不任藥用也。又邦產其粒大，倍漢產，其隔年者可用。藥舖此稱真吳茱萸。又有一種小粒者為好品，而其能無別。凡味極辛苦者有奇効。宜為丸藥用。城州和州紀州及西南州郡皆有之。



雅喬雅器

○吳茱萸。木高丈餘。晚春生芽。葉似胡桃而厚。夏發小綠花。結子若秦椒。而簇生。秋熟採之。其氣酷烈。沃沸湯曝乾。新者難服。又有享保中所傳之漢種。形狀與邦產同。但其子小耳。

山茱萸。肝固有。牧官。牧官即腎臟。今通名。

本經曰。山茱萸。味酸平。主心下邪氣。寒熱。溫中。逐寒溼痹。別錄曰。微溫。腸胃風邪。寒熱。疝瘕。頭風。益精。安五臟。通九竅。止小便利。王好古曰。止小便利。秘精氣。取氣味酸。瀎以收滑也。案其味酸。瀎微溫。質滋潤。故

能溫肝氣。固有腎氣。以治小便頻數。及腰痛等。

八味丸。虛勞腰痛。少腹拘急。小便不利者。○男子消

渴。小便反多。以飲一斗。小便一斗。腎氣丸主之。

撰品。山茱萸。有舶來。其形如鼠屎。而紫黑色。味酸澀。


滋潤者。為上品。又有朝鮮產次之。又邦產形味與舶

來者同。而紫赤色。亦可用。城州和州攝州等有之。

○山茱萸。樹高丈餘。晚冬先開小黃花。後出葉。似羊

婆奶。而縱道多。至春結子。晚秋熟。赤色。如胡頹子狀。

採之。沃沸湯。曝乾。



清亮  
山茱萸

薯蕷調源。補復虛損。

名薯蕷。以避宋英宗諱。改名山藥。原

本經曰薯蕷味甘溫主傷中補虛羸除寒熱邪氣補  
 中益氣力長肌肉別錄曰下氣止腰痛補虛勞羸瘦  
 案其為根直下甚深年年新陳相換而能固有精液  
 味甘溫滑澤故有調元氣益精補復虛損之能  
 八味丸脚氣上入小腹不仁○虛勞腰痛小腹拘急  
 小使不利者

撰品薯蕷有野生家生二種山谷自然生者為野山  
 藥出藥舖其形細長刮去粗皮色白質滑澤重者真  
 其種田圃者為家山藥此呼都久利山藥不堪用出

城州和州信州諸州皆有之



白等藥

○薯蕷春生苗蔓延紫竹木紫莖綠葉頗似萹薺而滑澤夏發小白花秋結子於葉間如大豆此名零餘子其根長入土三四尺形如指上小而下漸大皮黃赤色肉白多滑液者良此物蔓延已長乃新根生於根旁新根長成必舊根朽矣秋深苗葉枯而採根

甘遂逐飲滌瀉溼滿

今通名。ナツトウダイ。

本經曰甘遂味苦寒有毒主大腹癥瘕腹滿面目浮腫留飲利水穀道別錄曰下五水散膀胱留熱云案氣味苦辛有毒故其能逐水飲滌瀉溼滿以治心

下逆滿水結腫滿等

甘遂半夏湯其人欲自利利反快雖利心下續堅滿大陷胸湯但結胸無大熱者此為水結在胸脇也○心下滿而鞭痛者此為結胸也

撰品甘遂舶來唯一種形似麥門冬而長皮帶赤斑肉白不拘其肥瘠以充實者為上品此物甚易蛀須加樟腦又有邦產味畧同亦可用秋冬採根蒸曝乾○甘遂孟春生紅芽高七八寸苗葉似大戟晚春發細綠花根微肥而長淡赤色破之則有白汁



大戟寫真圖

大戟破關能泄二便。ハミヒトクサ。タカトウダ

本經曰大戟。味苦寒。有小毒。主十二水。腹滿。急痛。積

聚。別錄曰利大小腸。案其根氣味苦辛。有

毒。故其能破癖。關利二便。以療痞。鞭滿。痛水。飲等

十棗湯。其人熱。熱汗出。發作有時。頭痛。心下痞。鞭滿

引脇下痛。乾嘔。短氣。汗出不惡寒者。此表解。裏未和

也。○夫有支飲家。欬煩胸中痛者。云


撰品。舶來有綿大戟。紫大戟。二種。其綿大戟為上品。

形如苦參。而細柔韌。皮紫黑。肉茶褐色。味苦辛者為

真藥。舖所販者。是唐黃芩。或白鮮皮中混來者。多偽

雜今載來者唯紫大戟一種耳。形細長七八寸。紫赤色。味微苦者不堪用。又有享保中所傳之漢種。秋冬採根。蒸曝乾可用。又有伊波大戟。生西南海濱岸石之間。苗葉似澤漆而莖根都赤色。其乾者形色似紫大戟。長尺許。味淡薄。出上州淡州。商人以之為紫大戟者。非。又有土大戟。有草蘭茹。形味相似。不遠。俱生城南濕地。土人採之。呼伏水大戟。此三種不堪用。又舊說以野苧麻根。贗云今否。

○大戟春生。紅芽。莖漸長。三四尺。葉似金絲挑。而狹叢生。夏開細黃花。根細長。柔韌。破之有白汁。



藥品考卷之二

大戟 苗



茵陳瀉滿專療黃疸。子ヅミヨモギ。

本經曰茵陳蒿味苦平主風溼寒熱邪氣熱結黃疸別錄曰通身發黃小便不利案其苗葉生於冬至夏漸長氣味苦辛芳散故其能瀉溼滿專除黃疸鬱熱茵陳蒿湯傷寒七八日身黃如橘子色小便不利腹微滿者茵陳五苓散黃疸病。

撰品茵陳四邊山野皆有之五月及立秋採之其葉極細如絲本經逢原所謂綿茵陳是也陰乾色青者為良品藥舖但採結子者販之不佳或有採者謬混

青蒿及黃花蒿者不可不辨也事物紺珠曰青蒿一

名茵陳者誤青蒿黃花蒿皆是春子生而無因陳之義也其葉至細而多臭芳至秋高三四尺結細子其

乾者頗似茵陳甚難辨又有蝦夷茵陳圖經所謂階州白蒿是也綱目有山茵陳逢原此野茵陳家茵陳

皆因產地異名而已非有別種

○茵陳自冬生新苗高二三寸似艾葉綠白色夏抽莖一二尺其葉漸緊細如小茴香秋結細子老莖將枯必其下生新苗陳藏器曰更因舊苗而生故名

有子 圖



葦莖降順。清肺瀉滿。アシノ莖。

案葦生水傍莖中空性順降故能清肺氣瀉水滿

葦莖湯治欬有微熱煩滿胸中甲錯是為肺癰

蘆根性寒解毒止煩。アシノ根。

治鯀鯁魚中毒方蘆根煮汁服之即解

治食馬肉中毒方煮蘆根汁飲之

別錄曰蘆根味甘寒主消渴客熱止小便利案蘆根

生濕地味淡甘能開胃氣性寒降專解熱毒止煩渴

撰品葦與蘆通一物也玉篇曰葦之未秀者為蘆其

蘆根在土中白色者良○葦莖取其本二尺許可用

俱非新採者難得効



左近將曹岸禮

圖

○葦生陂澤中其狀似箭竹而無枝高丈許葉抱莖生秋發花似荻根橫行如竹根白色

貝母除煩結氣渙散

今通名。アミガサユリ

本經曰貝母味辛苦無毒主傷寒煩熱喉痺云

別錄曰療腹中結實心下滿洗洗惡風寒目眩項直

欬嗽上氣止煩熱渴云案其為根連連不朽氣味

苦蒼涼降故其能除煩熱令結氣渙散以療喉痺肺

癰等○須去其心洗除石灰氣剉炒用

桔梗白散欬而胸滿振寒脈數咽乾不渴時出濁唾

腥臭。久久吐膿。如米粥者。為肺癰。

撰品貝母。舶上者小。大混來。其形似貝子。而外白裏

黃褐色。藥舖其小者。似舊舶。故為上等。其大者為次。

然皆同物。俱可用。又邦產稱真貝母。形與舶上者不


異。但色鮮白。或偽為舶來。凡形大。而有膩臭者。下品。

又有蕎麥葉貝母。是類之耳。不入藥用。

○貝母。晚冬生。苗葉類卷丹。對生。春深抽一莖。高一

二尺。葉漸互生。而狹。葉頭極細。反卷。作鉤。每節開

花。似白頭翁。而淡綠色。倒垂。根白。若百合。而小。



在照



芎藭上達。破瘀順血。今通名。延喜式。オシナカヅラ。


藥部考卷之二

本經曰芎藭味辛溫主中風入腦頭痛寒痺筋攣緩  
 急金瘡婦人血閉無子大明曰破癥結宿血消瘀血  
 案其氣味辛溫芳烈故有上達頭腦下破瘀血順氣  
 血之能以療頭痛腹中疴痛經閉諸瘡毒  
 芎歸膠艾湯有妊娠下血者假令妊娠腹中痛為胞  
 阻當歸芎藥散婦人懷妊腹中疴痛疴音絞即急痛  
 撰品芎藭舶來者其形似莪茂而皮茶褐色肉黃白  
 所謂雀腦芎是也不拘小大俱可用邦產有數品其  
 稱大和川芎者形似舶來而瘠小肉淡黃帶綠色其

隔年色黃白者為佳出和州伊州勢州又有仙臺川  
 芎形肥大皮黃褐色肉黃白味苦辛芳烈者次之出  
 奧州羽州又出豐後丹後者下品又有大葉川芎葉苗  
 似芎葉鉤吻根如芎當歸小味辛辣刺人口舌不可用又方書中有  
 川芎京芎台芎撫芎雀腦芎等之目此皆同物也各  
 稱產地以指上品雀腦即以形稱耳又蘼蕪者小葉  
 川芎之葉也又江蘼者大葉川芎之葉也  
 ○芎藭春生苗葉似水芹而細叢生秋抽莖高一二  
 尺開細白花結細子晚秋苗葉枯根結塊秋冬採之

刮去鬚根。沃沸湯曝乾。

田均 繪



當歸溫達。調和氣血。

古名ヤセリ。今通名。

別錄曰。當歸味辛。大溫。溫中。止痛。除客血。內寒。

陳承曰。氣血昏亂者。服之即定。能使氣血各有所歸。

故名當歸。案其根味甘辛。氣大溫。芳發。故有溫達經

脈。調和氣血之能。古人與芎藭同用。療婦人產後氣

血不足。腹痛及癰疽。排膿止痛。

當歸建中湯治婦人產後虛羸不足。腹中刺痛不止。

吸吸少氣。或苦少腹拘急。痛引腰背。云云。

當歸芍藥散。婦人懷妊。腹中疴痛。

撰品當歸有自生家生二種其家生者根肥大尾皮帶紫色肉黃白氣味甘微辛芳香滋潤者為上品唐本所謂馬尾當歸是也出和州紀州者為勝總此呼大和當歸又有山城當歸形與大和產同皮灰色皆剖切乾之故呼割乾亦可用其自生者根似桔梗而皮紫黑色味苦辛芳烈者次之此為伊吹當歸生江州伊吹今伊吹近鄉培養此種出之諸州山谷亦有之又有三春當歸根瘠長滋味薄下品又間有舶來者形色氣味如大和產紫黑色陳久蛀者不堪用

又方書中歸尾即馬尾當歸之尾也

○當歸春生苗莖紫色高一二尺葉類芹葉而潤大有光澤經年者至秋起莖開小白花秋深莖葉枯孟冬掘根半乾而浸熱湯復曝乾

馬尾當歸





松嶺  
紫薔

牡丹活血。清涼煩熱。

延喜式。フカミグサ。今通名。

本經曰牡丹。味辛寒。除癥堅瘀血。安五臟。療癰瘡。

時珍曰。和血生血。涼血治血中伏火。除煩熱。案其氣

味辛微苦寒。降芳散。故其能活血。清涼煩熱。血熱

大黃牡丹皮湯。腸癰者。小腹腫痞。按之即痛。如淋。小

便自調。時時發熱。自汗出。復惡寒。云云

桂枝茯苓丸。婦人宿有癥病。經斷未及三月。而得漏

下不止。胎動在臍上者。為癥瘕。害妊娠。云云

撰品牡丹皮。邦產唯一種耳。今和州產為勝。城州攝

州及諸州皆有之。其不拘肥瘠。俱可用。

○牡丹春生。芽葉似防葵。而濶大。三月開花。勝芍藥。



一等有紅白濃淡數色。秋冬採根。去骨陰乾。



東漢

苦參

苦參清熱除煩排壅。延喜式クラ本經一名水槐。

本經曰苦參味苦寒主心腹結氣癥瘕積聚黃疸。

別錄曰養肝膽氣安五臟定志益精利九竅除伏熱

腸癖案其根直降入土甚深經年不朽氣味極苦涼

降故其能除伏熱開痞塞以療煩熱及小使難。

三物黃芩湯婦人在草薜自發露得風四肢苦煩熱

頭痛者與小茈胡湯頭不痛但煩者。

歸母苦參丸妊娠小使難飲食如故。難即滑利之反。

撰品苦參邦產唯一種根形似黃芪而硬皮黃褐色。

肉黃白。味極苦。諸州山野皆有之。



苦參

○苦參春生芽於宿根直上二三尺葉似槐夏開黃  
 白花亦似槐花後結小莢根長如牛蒡而黃赤色

獨活利節療諸風疾

本經曰獨活苦甘平主風寒所擊金瘡止痛奔豚癩

瘕卒然倒仆口眼相引曰癩別錄曰療諸賊風百節

痛風案其根及莖皆中虛如骨節狀味苦辛氣芳烈

故有透利百節疼痛散諸風疾之能


千金三黃湯治中風手足拘急百節疼痛煩熱心亂

惡寒經日不欲飲食

撰品獨活舶來。形似虎杖根。中虛。皮紫黑色。大者徑  
 寸許。味辛。芳發者佳。藥舖此稱馬皮樣。菴活。而是獨  
 活。非菴活也。又稱真菴活者。是邦產獨活。形色與舶  
 來者不異。唯味辛烈耳。其隔年者可用。諸州山谷皆  
 有之。又呼真獨活者。是土當歸老根也。又呼和菴活  
 者。採土當歸嫩根。刮去粗皮者也。俱味淡薄。不任用。  
 案古方唯用獨活。而無菴活。本經獨活為本條。而一  
 名菴活。至後世分用獨菴二活。而為異論者有之矣。  
 時珍曰。獨活菴活。乃一類二種。以中國者為獨活。西

菴者為菴活。珍說得之矣。藥舖二活之稱。既相反。其  
 以馬皮樣及邦產獨活。通呼為菴活。其訛言特久而  
 今難改正矣。用者詳之。

○獨活春生。苗葉狀似土當歸。而氣臭烈。夏抽大莖。  
 五六尺。秋開花。作攢簇。根亦似土當歸。而中虛。



表園圖



知母潤渴清瀉熱結

古名ハナスゲ ヤマシ

子

本經曰知母味苦寒主消渴熱中除邪氣補不足益

氣別錄曰療傷寒久瘧煩熱云案其性甚滋潤此

日曝而不枯燥味苦甘故善潤燥渴清瀉熱結

白虎加人葠湯傷寒病若吐若下後七八日不解熱

結在裏表裏俱熱時時惡風大渴舌上乾燥而煩欲


飲水數升者白虎湯傷寒脈浮滑而厥者裏有熱也

撰品知母邦產舶來有之其邦產形如石菖蒲根而

肥大有黃毛味苦甘滋潤者為良藥舖此呼真知母

其舶來者形與邦產同而瘠小輕虛多黃毛又朝鮮

產形色如漢產俱可用世醫妄貴舶來者而不知失其滋味之要者悲夫



知母

○知母春生芽葉似管而有光澤夏叢中出穗紫綠色根似石菖蒲出地上者生黃毛秋冬採根蒸曝乾

生芩滋補解熱消瘀

延喜式サホヒノ今通名本經一名芩音戶

藥性論生地黃味甘平無毒解諸熱通月水消瘀血虛而多熱者宜加用之案其性能耐炎熱而惡冷氣味甘滋潤涼降故其能滋渴補虛解諸熱消瘀血炙甘草湯治虛勞不足汗出而悶脈結悸行動如常

別錄曰生地黃大寒主婦人崩中血不止及產後血

百合地黄湯  
 百合病不經  
 吐下發汗病  
 形如初者

上薄心悶絕傷身胎動下血胎不落墮墜折瘀血  
 留血鼻衄吐血皆擣飲之

撰品生地黄形如小指而黃赤色凡肥大多潤者為

上品藥舖此呼奈末地黄或呼砂伊計其瘠小燥者

不堪用出筑前及和州式上郡東市郡者為勝高市郡有

地黄村而城州產次之欲貯之者以細砂埋之于陰

地戒勿澆水藥舖以乾地黄呼生地黄者訛又有山

地黄胡面莽俱根苗似地黄而別種不可混

○地黄葉似甘露子而長有毛茸晚春起臺五七寸

夏開花似胡麻花淡紫色或有淡黃色晚秋採根



清輝 燿 暉

生地黄

乾地黄

乾地黄主滋血補虛

別錄曰乾地黄味甘苦寒無毒主男子五勞七傷女子傷中胞漏下血破瘀血溺血利大小腸去胃中宿食補五臟內傷不足通血脈益氣力利耳目

藥性論乾地黄君能補虛損溫中下氣通血脈治產後腹痛主吐血不止

芎歸膠艾湯婦人有漏下者有半產後因續下血都不絕者有妊娠下血者

八味丸虛勞腰痛小腹拘急小便不利者

撰品乾地黄是晚秋採根曝乾者藥舖呼為生地黃

其肥大皮灰色肉紫黑味甘微苦者為上品又其皮塗黃土肉黑色者下品是秋採根包貯而至春出之

乃皆腐爛變黑色以粉之黃土者不堪用而此為好品者誤又間有舶來者形色與邦產同肥大亦可用

熟苜潤膚補腎氣虛

元素曰熟地黄味甘微苦微溫無毒味厚氣薄補氣血滋腎氣益真陰去臍腹急痛病後脛股酸痛

案此經煉製味復甜溫故能潤膚專補腎中元氣

蕪頌曰作熟地黄法取肥地黄三二十斤淨洗別以  
揀下瘦短者三二十斤搗絞取汁投石器中浸漉令  
浹甑上蒸三四過時時浸瀘轉蒸訖又曝使汁盡其  
地黄當光黑如漆味甘如飴○今藥舖販者以乾地  
黃灌酒蒸曝二三次色漆黑

瓜蒂涌吐膈間毒聚一名苦丁香蒂同

本經曰瓜蒂味苦寒主大水身面四肢浮腫下水殺  
蟲毒欬逆上氣病在胸腹中皆吐下之  
案其味苦辛澀發有毒故能涌吐膈間結毒也

瓜蒂散胸中痞鞭氣上衝咽喉不得息者此為胸有

寒也當吐之○邪結在胸中心中滿而煩饑不能食

者病在胸中當須吐之予妻嘗患禁口痢嘔逆而絕

宿毒之所致也即作瓜蒂散與之須臾吐粘痰升許而後嘔逆定始得啜粥服藥復故

撰品瓜蒂即甜瓜蒂今出越前者是甘瓠蒂也即作干瓢

也其新味苦辛者良或經年失氣味者難得効須用

時為細末且宜煖飲而不宜冷飲也或吐後嘔氣不


止者與冷水若冷粥則立定矣

○甜瓜蔓生葉似越瓜鋸齒粗夏開黃花後結瓜形



同常品微長。熟有青黃縱道。肉味甜。而其蒂苦辛。

文麟 圖



梔子兼吐。煩熱當除。クチナシ

本經曰梔子。味苦寒。主五內邪氣。胃中熱氣。酒飽鼓

鼻。別錄曰大寒。療目熱赤痛。胸心大小腸大熱。心中

煩悶。案其實味苦涼。有芳臭。為升降。故生用則能涌

吐。懊懣。炒用則能除心中煩熱。

梔子豉湯發汗吐下後。虛煩不得眠。若劇者必反覆

顛倒。心中懊懣。○發汗若下之。而煩熱胸中窒者。○

得吐者。止後服。

梔子大黃豉湯酒黃疸。心中懊懣。或熱痛。

王好古曰本草不言。梔子能吐。仲景用為吐藥。梔子本非吐藥。為邪氣在上。拒而不納。食令上吐。則邪因以出。所謂其高者。因而越之也。

撰品。梔子有二三種。其形圓而小。皮薄。赤黃色者。為上品。藥舖此呼末留樣。圖經所謂越桃是也。又形長大。黃色者。可染物。藥性大全所謂黃梔子是也。又有

水梔花。其葉及花都似常梔。而高尺許。

○梔木高五七尺。葉似末左。幾有光滑。夏開白花。似紫茉莉。而芳香。後結實。至冬熟。色赤。形如常梔。而不

長。又如桃葉者。實形長。黃赤色。

梔子



紫葳破瘀補氣血虛一名凌霄又作陵苳

本經曰紫葳味酸微寒主婦人產乳餘疾崩中癥瘕

血閉寒熱羸瘦案其花氣味苦甘微澀故能破瘀血

補氣血虛損日華子曰花葉功用同


鼈甲煎丸病瘡以月一日發當為十五日愈設不差

當月盡解如其不差當云何師曰此結為癥瘕云

撰品紫葳夏月採花陰乾用今藥舖唯販枝葉耳

○紫葳藤生春生芽一枝數葉形似紫藤葉而鋸齒

粗蔓延數丈依喬木夏秋開花似牽牛花而紅黃色



紫葳

澤瀉

土佐左近將監光文

澤瀉如禹。宜通水路。綱目曰禹能治水故名。

本經曰澤瀉味甘寒。主風寒溼痺。乳難養五臟。益氣

力。肥健。消水。藥性論味苦。能主腎虛。精自出。治五淋。

利膀胱。熱宜通水道。案澤瀉生澤中。以能制水氣。其

味微苦淡。潛故有能逐畜溼。宜通水道之功。

澤瀉湯。心下有支飲。其人苦冒眩。

五苓散。大出汗。胃中乾。煩燥。不得眠。欲得飲水者。○

渴。而口燥煩。小便不利。○假令瘦人。臍下有悸。吐涎

沫。而癩眩。此水也。

撰品澤瀉。邦產形如芋奶。而多白毛。凡肥大肉白新

者。為上品。藥舖此呼仙臺。出奧州羽州及佐州者。為

勝。生丹州伊州薩州等者。同上。而瘠小次之。又有船

來。形扁圓。肌不粗。與佐州產不異。此物甚易蠹。或陳

久。變黃赤色者。不堪用。又有美豆澤瀉。苗葉相似。而葉狹。根不結

塊。又澤瀉字。訓於毛陀。加者誤。即剪刀草。

○澤瀉生澤水。春出苗。葉似車前。而圓頭尖。高七八

寸。叢生。夏抽莖。一二尺。每枝岐六桎。開細白花。後結

青子。秋苗枯。根結塊。大若慈姑。多毛。



長門子家

興善

本草綱目卷之二十一

